



UNIVERSITÄTS-
BIBLIOTHEK
PADERBORN

Vita Et Doctrina Jesu Christi

Avancini, Niccolò

Coloniae Agrippinae, 1689

Hebdomada I. Post Pascha.

[urn:nbn:de:hbz:466:1-59970](https://nbn-resolving.org/urn:nbn:de:hbz:466:1-59970)

DOMINICA IN ALBIS.

Mulieres referunt Apostolis nuntium resurrectionis.

1. **D**icite Discipulis ejus, & Petro, quia surrexit. Marc. 16. Exprimi nominatim Petrum, tenerioris affectus est argumentum Erat cæterorum caput: hoc honorat Christus. Amaverat plus cæteris Iesum, inde plus cæteris dolebat: affectum affectu rependit. Non cessabat suum peccatum deflere, erigit mœstum amoris demonstratione. Agnosce bonitatem, ama, in eam spem tuam repone. Non dimittet te, etiam cum ex fragilitate peccaveris.

2. *Et visa sunt ante illos deliramentum verba ista, & non crediderunt illis.* Luc. 24. Quæ nuntiant mulieres, sunt ea ipsa, quæ Christus Apostolis prædixerat: concordant omninè Magistri verbis, nec tamen credunt. Imitaris Apostolorum incredulitatem, qui inspirationes divinas, ut vanas rejicis, Superiorum monita, scrupulos, conscientia remorsum deliria arbitraris Attende illis: quia per illa Deus ducit. Aberras, si non sequeris.

3. *Maria Magdalena venit ad Simonem Petrum & ad alium Discipulum, quem amabat Iesus, & dicit illis; Tulerunt Dominum de monumento, & nescimus ubi posuerunt eum.*

Ioan.

Joan. 20. Non dixerat Angelus *rulerunt. sed surrexit.* Impetus fortè amoris aut doloris fecit, ut non accuratè attenderet. Etiam bonis affectibus, non secus ac ventis ponendum est pondus. Cùm rationem turbent, in errorem trahunt.

F E R I A II.

Petrus & Joannes currunt ad sepulchrum.

EXiit ergo Petrus, & ille alius discipulus, & venerunt ad monumentum Jo. 20. Nuntii à mulieribus accepti veritatem experiri volunt. Non retinentur aliorum non credentium exemplo. Attendunt non quid agant alii, sed quid prudenter agendum sit. Cape hujus regulæ necessitatem, & sequere.

2. *Currebant autem duo simul.* Ibid. Amor eos incitabat ad cursum. Hic nescit tarda molimina. Parum distant lentè velle obsequia Dei, & diu nolle. Quia amat divina, volat ad illa. Currisne tu an serpis? Vis progredi? ama, tantum procedes, quantum amabis

3 *Ille alius præcucurrit citiùs Petro, & venit prius ad monumentum; non tamen introiit.* S. Hier. in c. 56 Isa. *Ioannes latus Virginitatis alii præcucurrit.* Quia plurimū

N

hæc

hæc virtus recedit à carne, plurimum accedit ad Deum 2. Joannes non intrat prior. Honorat in Petro dignitatem capitis, nec considerat in eo, quòd Christum negaverit, ipse autem ad Crucem constiterit. Disce quid debeas Superiori, licet imperfecto. Idè præstabis proximo, si in eo Christum agnoscas.

F E R I A III.

Christus apparet Petro.

2. **A** *Biit Petrus secum mirans, quod factum fuerat. Luc. 24. Viderat Petrus sepulchrum vacuum. Discedit à Joanne; solus secum meditatatur, quæ vidit. Optima dispositio ad videndum Deum, divinaque cognoscenda, recedere etiam corpore, multò magis affectu à creaturis. Solitudinem animæ amat Deus. Ducam eam in solitudinem, & loquar ad corejus. Osee 1.*

2. *Surrexit Dominus verè, & apparuit Simoni Ibid. Apparet Dominus non Joanni, qui constans ad Crucem permansit; sed Petro, qui & fugerat, & negaverat. Ita animat Deus peccatores pœnitentes, ut non dejiciantur. Ostendit quantum æstimet lachrymas pœnitentis. Qui hic affectus Petri? quæ confusio ob scelus admissum? quis dolor? quæ lachrymæ? Excita in te eosdem ad pedes Iesu.*

3. *Tristis*

3 *Visus est Cepha.* 1. Cor. 15. Christus non exprobrat Petro scelus admissum, sed blandissimè solatur. Disce qua benignitate peccatorem contritum excipias: qua charitate obliviscaris injuriarum à proximo acceptarum. Quod feceris proximo, expecta à Deo. *Si non amiseritis hominibus, nec Pater vester dimittet vobis* Matth 6.

F E R I A I V.

Magdalena ad monumentum.

1 **M**aria autem stabat ad monumentum foris plorans. Dum ergo fleret, inclinavit se & prospexit in monumentum. Joa. 20. Considera amoris signa, stat ad monumentum: flet: læpiùs inspicit videndi Jesu desiderio. Repeti de illa potest: *Dilexit multum.* Expende curam, qua tu Deum quæris. Stasne in propositis? dolesne amissum? considerasne ubi, quomodo reperias?

2. *Et vidit duos Angelos in albis sedentes.* Ibid S. Cyril. Alex. lib. 12. in Joann. cap 46. *Cum circa monumentum perseverat, plorans voce Angelorum ad cognoscendum Christum juvatur.* Ut Angelos seu spiritualia lumina assequaris, non obiter exigenda est meditationis hora; sed perseverandum, & attentione, & affectu; etiam sua deploranda est cœcitas.

3. *Dicunt ei illi: Mulier, quid ploras? Dicit eis: Quia tulerunt Dominum meum: & nescio ubi posuerunt eum.* Ibid. Causa fletus est amissus Jesus Optima & una lachrymis digna. Sed si flet illa, quod *tulerunt* invitæ & ignoranti, quid te agere decet, cui scienti & volenti tuæ passiones, & mali affectus toties Jesum tulerunt?

F E R I A V.

Christus apparet Magdalena igno-
tus.

I *Conversa est retrorsum, & vidit Jesum stantem, & non sciebat, quia Jesus est* Joan. 20 Dum quæritur Jesus, adstat à tergo Magdalena. Vide, quàm non procul est ab iis, qui eum quærunt in toto corde, Sed dissimulat quandoq; præsentiam suam, ut non apprehendamus hîc Jesum esse sed nos desertos cogitemus. At respiciamus post tergum, sive ad exitum nostrarum afflictionum, videbimus ibi Deum.

2. *Dicit ei Jesus: Mulier quid ploras, quem quæris?* Ibid Drogo Host. de Sacram. Passio. *Occultat se, ut ardentius requiratur, & requisitus cum gaudio inveniat; inventus cum sollicitudine teneatur.* 2 Interrogat non ignorans, sed quia delectatur, non quandoque affligi sui ipsius desiderio. Si videaris tibi

tibi à Deo desertus, ardentius Deum require, iste est inveniendi modus.

. Dicit ei. (Maria) Domine, si tu sustulisti eum, dicit mihi, ubi posuisti eum, ut & ego eum tollam. Ibid. Vide amoris vim, qui solum Christo intentus, quid loquatur, vix advertit. Dominum vocat hominem vili hortulani veste indutum: addit, si sustulisti eum; quem? non exprimit, quasi obvius quisque ejus affectus intelligat. Novit quis fuerit Judæorum furor, & ait se eum ablaturam ubi, ubi sit, sine omni periculorum metu. Ita amor animosam reddidit ac resolutam. Quantum tu ab his resolutionibus distas? quia plurimum distas ab amore.

F E R I A V I.

Christus manifestat se Magdalenæ, & mittit eam ad discipulos.

D*icit ei Iesus: Maria Cōversa illa dicit ei: Rabboni Ioan 20 Uno Christi verbo, Maria; altero Mariæ, Rabboni. magni affectus clauduntur, in Christo benignitatis, suavitatis, affabilitatis, familiaritatis: in Maria verò reverentiæ, humilitatis, adorationis, amoris, gaudii. Ille ex uno verbo noscitur: illa uno verbo se eum nosse significat. Ita Deus paucis verbis multa hominis; ita*

N 3 homo

homo paucis verbis multa Deo loquitur.
Plura de Deo cogita, quam loquaris.

2. *Dicit ei Jesus: Noli me tangere.* Ibid.
Expende causam, cur eam tactu prohibeat,
fuisse, ut nimium fervorem, quo illa se ad
pedes Jesu projecerat, non nihil tempera-
ret: Amor enim penè reverentiam exuerat.
Amari vult Deus; sed & reverenter coli. Ut
Deo ergo familiaris esse debes per intimam
cum eo communicationem; ita debes esse
& reverens, tam externo corporis situ,
quam interna animi compositione.

3. *Vade ad fratres meos. & dic eis: Ascen-
do ad Patrem meum & Patrem vestrum.*
Ad pedes Christi suos exerere affectus Ma-
ria desiderabat; Christus verò quantocyus
suos consolari. Ideo accessu eam prohibet,
& ad discipulos ablegat; quos ad exprimen-
dum amorem, fratres vocat. Vide quam
Deo placeat, ut tua spiritali consolatione
abstineas, ut alium mœstum consolaris. Cu-
rat eis significari ascensum suum *ad Patrem
vestrum*: ut incipiant de Christi recessu co-
gitare, se ad illum tolerandum disponere,
& confidere in Deum, quem sciant af-
fectu Patrem esse.

S A B B A T H O.

Apparet aliis mulieribus.

1. **E**cce Jesus occurrit illis, dicens: *Avete.*

Assesuta fuerat illas Magdalena: significaverat se vidisse Dominum: dolebant se ad sepulchrum non expectasse, desiderabant & ipsæ videre Dominum. Ita dispositas primus salutat: *Avete:* Ita benignus est Deus iis, qui eum desiderant, & obsequia deferunt. Non diu differet te consolari, si serium ejus desiderium concipias. Omnis perfectionis initium est desiderium

2. *illa autem accesserunt, & tenuerunt pedes ejus, & adoraverunt eum.* Ibid. Expende gaudium, reverentiam & dulcissimos affectus ad Christi pedes. Arcuerat paulò antè Magdalenam à pedibus suis, jam eam cum reliquis ad eorum osculum admittit. Non omne simul solatium præbet: differt quandoque: exhibet autem perseverantibus: sed horâ, quâ sibi placet. Tuum est insistere bono, de tempore consolationis curam Deo remitte. Non aberit à se desiderantibus.

3. *Tunc ait illis Jesus: Nolite timere: ite, nuntiate fratribus meis, ut eant in Galilaam, ibi me videbunt.* Ibid. Expende verborum suaviter tum ad mulieres, tū de Apostolis sui nuper desertoribus. Sed suaviorē cre-

defuisse animum; neque enim averfionem ab iis, quamquam graviter offensus, concepit. Etiam qui te offendit, fratrem cogita, suavi alloquio & affectu dignare. Galilæam illis designat ubi videatur, locum scilicet quietum, & à tumultibus submotum. Ut gustes Deum, recede à strepitu mundi, vanitatum, passionum tuarum.

DOMINICA II. POST PASCHA.

Jungit se Christus duobus discipulis euntibus in Emmaus.

1. **E**cce duo ex illis ibant in castellum, nomine Emmaus. Luc. 24. Tristes de Christi morte, dubitantes de resurrectione, solarium quærunt à villa. Convertuntur ad sensualia, qui expectare debebant divina: Promissus tertius dies aderat, accesserat mulierum, Petri, ac Joannis testimonium: isti tamen adhuc dubitabant. Quàm parum sustinemus Dominum, qui nos tot annis sustinet! quàm facilè ad sensualia convertimur! Immodicam tristitiam cave; si aliqua te tangat, noli à creaturis remedium quærere. Expecta Dominum, & intendet tibi.

2. Et ipsi loquebantur ad invicem de iis omnibus, quæ acciderant. Et factum est, dum fabularentur, & secum quærerent, & ipse Jesus